



082.6
M743s
W
27



国立国会図書館 タイトル『西河合集』 請求記号 082.6-M743s

ガラス使用



西河合集

蕭山毛奇齡

字大可
初晴稿

文輝克有較
遠宗姬潢

春秋條貫篇一

康熙二十四年奉

命考進士閱春秋房卷主考者授題法一本曰如是

則中不如是則不中按舊法春秋四題一單題二雙

題一脫經題單題者單傳也雙題者合兩經為一題

而兩傳之語適相對也脫經題者題在此經而是題

之義則在他經之傳中即他經與此經俱無關也

春秋條貫篇

67134



國初儒臣謂脫經題不可訓其遵胡氏傳則得矣將
寘孔氏經文于何所請去脫經題但取兩單兩雙而
為四而于是三百年來專取胡傳閱卷之陋習為之
稍輕特是年次題為僖二十八年晉侯伐衛與宣九
年晉侯會諸侯于扈而使荀林父伐陳為雙題其法
則伐衛以義伐陳以禮取胡傳義禮二字為對待之
文而實則胡氏伐衛傳無義字也惟伐陳傳則一曰
幾于自反而有禮矣一曰夫豈義乎遂以伐陳之義
字移屬伐衛幾于雙題亦脫經矣內監臨御史春秋
家也見予所薦士間有偏失義字者而爭之予曰

功令取雙題未聞取脫經題也夫經自有義其必脫
經義而取傳義何解御史曰子不聞宋人之廢春秋
經乎春秋經非他斷爛之朝報也朝報無緒而其事
又不相屬無緒則不條不相屬則不貫不條不貫則
雖不斷爛而不可為法斷爛則廢矣傳也者蓋所以
條貫之也予曰如是則叛經甚矣考之條貫之說始
自杜預預所云經之條貫必出于傳謂夫簡書無事
經之簡書必取丘明所傳之策書就其事而條貫之
非謂經本無義必藉胡氏所傳文以貫其義也蓋魏
晉間無胡傳矣且夫經有條貫傳無條貫也晉侯伐



衛則必先書楚人圍宋以為伐衛之本而然後我之
戍衛楚之救衛相繼而起暨晉敗楚師衛侯奔楚而
晉楚爭衛之際于此暫釋則因而叔武赴盟衛侯歸
衛次第秩然及衛侯以殺弟叔武致元咺訟晉則然
後晉又執衛侯于京師君臣相獄甚至元咺歸衛自
立公子瑕而不顧于是我公納賂天王降敕殺元咺
歸衛侯其見于經文凡一十二條而後此一事之始
末於焉畢見蓋其事之蛛絲馬跡歷歷有穿非如此
此并非丘明策書所得而條遞之者若夫晉成會扈
則兩大爭陳晉不能救楚之伐陳而以其平楚而復

伐之其無禮孰甚反曰自反有禮固已不通其後陳
夏氏弑君楚來定亂而晉方坐視致六卿三帥幾舉
而盡喪于邲之一戰其所謂禮義安在以無稽之言
起而亂經宜乎聖經之坐廢也予懲其弊所以於歸
田之頃既檢從前所為傳自彙篇帙作三十六卷而
復于聖人之經再三致意檢其事之有緒屬者祇覺
春秋二百四十二年二十二門一千八百餘條各有
起訖或一條一屬或數條一屬為之統紀而分合之
歷觀其次第以務求乎聖人之意之所在以維天
綱而正王法條條井井明有穿弗名之曰條貫雖有

春秋條貫篇

三



鑑乎。雙題傳題之陋。習而為是。篇然而聖人之微言。或在是矣。

隱公

元年 春王正月

三月公及邾儀父盟于稷

周禮諸侯有盟會之典邾近魯為與國故盟之第
策書不詳其事雖桓十七年亦有公及邾儀父盟
于越文然究是兩事不可通矣

鄭伯克段夏五月鄭伯克段于鄆

鄭武公之子莊公為母姜氏所惡請立次子叔段

而武公不許莊公立姜氏請封段巖邑使居京城
且復收西鄙北鄙至于廩延繕甲兵具卒乘將襲
國而姜氏應之及期鄭伯乃以二百乘伐京京人
叛叔段入鄆鄭伯遂克段于鄆而叔段奔共書曰
克勝之也蓋善其勝之不殺之也公穀不見策書
誤以為殺之公曰克者殺也穀曰能也能殺也遂
謂夫子此書責伯之養惡以殺其弟而不知策書
具在伯未嘗殺弟也共者小國而今為鄭邑叔據
居之終其身初名京城大叔今名共叔皆以所居
為名故鄭伯寘姜氏城穎繻葛之戰射王中肩此

春秋條貫篇



二事逆跡顯著而祇此一節其于兄弟間可補周
公誅管蔡季友醜叔牙益仲慶父成法之變春秋
開卷即書此以為兄弟人倫所考鑑所謂一端善
即善之化工無偏私也

或曰姜氏將殺莊公此與宋襄夫人殺宋昭公罪
同何以寘城頰為非是曰姜有罪人可治之莊不
得治之也如魯莊姜氏弑子般齊得殺之其傳不
得而殺之也幸鄭莊悔之早爾後儒極惡鄭莊養
成弟惡以厚其崩而待之斃總以殺叔二字致誤
若知不殺叔則從前皆可諒矣徐仲山日記曰世

以待斃責伯為不遁向使伯不待斃遠如公子呂
之言起而除之則無故殺弟雖曰播公羊氏君親
無將之一言以自解肯怨伯乎今伯不惟待之斃
且待之不斃而深文之徒猶謂失教訓不早裁制
則周公大聖尚不能得之管蔡而以之責伯不可
也第胡氏解春秋既知不殺依然深文之謂莊恐
軋已必俟其敗以絕其屬籍使不得居父母之邦
夫春秋絕屬則將斥其氏滅其族不立其後而鄭
莊不然

鄭

二年鄭人伐衛

春秋條貫篇

五



共叔已據其而其叔之子公孫滑奔衛借衛師伐
 鄭取廩延以為其地叔舊有也夫共尚未除而又
 倚強援以為之敵至于失地亦太甚矣鄭伯乃遣
 大夫之無名者為之報伐而並不及滑仍聽滑居
 衛而不竟其事故策書討公孫滑之亂杜氏謂報
 廩延之役而經祇書伐衛者善之也善鄭莊之不
 討滑也鄭人者鄭大夫也

四年夏宋公陳侯蔡人衛人伐鄭
 然而公孫滑在衛衛公子州吁共叔段之友也及
 州吁弑君自立慨然為鄭伯弟段與師重帥公孫

滑請宋陳蔡與俱而伐鄭焉

鄭

秋鞏帥師會宋公陳侯蔡人衛人伐鄭

此宋殤以公子馮在鄭而請衛伐之然而仍以州
 吁為主以吁為共叔段友也乃三月之間而兩伐
 鄭則已甚矣故宋來乞師而公不與公子鞏者弑
 隱之逆賊也慕吁滑二逆而毅然帥師以前遂再
 伐鄭焉其明年鄭囚邾人之請始報宋伐而並不
 報衛經書邾人即十年衛人復入鄭經書宋人而
 鄭仍報宋伐而不報衛經書齊人鄭人伐宋其不忍誅
 滑如此及莊十六年鄭厲公治雍糾之亂有公父

春秋條貫篇

六



定叔者共叔之孫公孫滑之子也亦在稱亂中懼
而奔衛厲公猶招之歸曰不可使共叔無後于鄭
則在莊公時公孫滑構難之際已先立其子使之
繼共叔之後世爲宗卿故得立于朝而與雍糾之
亂而謂絕其族屬不使得居父母邦真是亂言

子仲

元年秋七月天王使宰咺來歸惠公仲子之賵

貫

仲子者惠公再娶之夫人也隱桓嫡庶全不明白
卽策書已記再娶之事謂初娶孟子再娶仲子皆
爲夫人則桓自爲嫡而不幸周禮已亡公羊逞爲

天子諸侯不得再娶之說致魯莊再娶姜氏衛莊
再娶厲媽皆無可解說予屢于傳中陸續辨之第
魯史殘闕夫子簡書極詳而丘明所據之策書十
無一備卽惠隱桓三公母妻姓氏及惠公仲子聲
子薨卒年月爲魯史本國極宜詳核之事而無所
不錯則他可知矣故善讀春秋者當讀經如此經
則仲子爲嫡可知天王雖卑亦定無有以小君之
賵忽致之人妾之禮况平王非無道主也如此經
則惠公薨于隱元之前一年仲子亦死于隱元之
前一年可知天王雖無禮亦定無有以二年方薨

而元年先致喪物之事况平王非婚憤人也

舊誤以二

年子氏薨為仲子始死故有謂生時致死物者特此有二賄一賄惠公一

賄仲子今以一使併行之且賄賻雖可緩而不可

失時此時之賄不知于周禮有合否耳若其使宰

恒者周官宰夫職弔事掌器幣財物故以宰夫而

恒名者使之賄者贈喪之物

仲五年考仲子之宮

此為桓母成新宮也禮廟祭猶夫人外即媵婦以

子貴者亦祔之先公之廟此周禮也今以再娶小

君而別置一室此不可解或曰三代廟制皆一考

一妣故五年之後必分宮居之然不可考矣考者

落成之名

仲初獻六羽

初獻者新宮始獻舞也諸侯六佾則小君亦六佾

矣或曰小君四佾不可考

九月及宋人盟于宿

策書未詳

冬十有二月祭伯來

策書未詳

公子益師卒



二年春公會戎於潛

策書未詳

莒入夏五月莒人入向條一

莒向皆小國據傳莒子娶于向向姜不安莒而歸故莒人入向以姜氏還特入有滅國取地一例此後向不見于經而終春秋之世莒有向邑則亦滅向矣特策書全未詳耳無駭帥師入極

策書未詳

秋八月庚辰公及戎盟于唐

策書未詳

齊滅紀始末九月紀履緌來逆女二十三條一貫

紀侯爵姜姓國削而近魯其來娶女不知是惠公女隱公女策書不詳不可考矣履緌紀卿而為君來迎者字子帛見後

紀冬十月伯姬歸于紀

紀紀子伯莒子盟于密

子伯即子帛紀履緌之字也莒舊與魯隙紀侯既昏我而遽遣大夫為之脩成其親魯如此

紀三年冬十有二月齊侯鄭伯盟于石門



策書不詳其事然以桓五年齊侯鄭伯如紀並觀之則總為謀紀耳此皆策書闕而經獨詳者

七年春王三月叔姬歸于紀

伯姬之娣以待年始歸也

八年九月辛卯公及莒人盟于浮來

紀平魯與莒而公復為之尋盟成紀好也

紀五年夏齊侯鄭伯如紀

紀在齊東境管仲所謂東至于紀鄰者為齊所必得之地齊僖久欲襲其國牽鄭與俱故前盟石門而此即親邀鄭伯而同往規之總為後遷紀地也

紀六年夏四月公會紀侯于邾

謀齊難也

紀冬紀侯來朝

夏會邾而此復來朝總求魯援耳

紀八年祭公來遂逆王后于紀

紀謀解齊難思倚王室之尊以求成于齊此必前此會朝時與我魯多方諮畫因得上婚帝室以圖存宗社此固畏天時保大不得已之用心也而無如其不能庇也來者來魯而後逆于紀以魯為宗國主婚故也



九年春紀季姜歸于京師

十三年春二月公會紀侯鄭伯已巳及齊侯宋公衛侯燕人戰齊師宋師衛師燕師敗績

鄭忽有怨于魯齊僖為魯桓婦翁而為鄭挾衛來伐前十年經書戰於郎是也今鄭突初立鄭忽奔衛我反得挾鄭以報齊衛戰郎之役經書諸師敗績實為幸事獨是紀過于助魯且以怨齊僖之故根本未強而遽思報齊怨以酬魯德則不量力矣四師之敗適以中齊僖之隱耳

紀十七年春正月丙辰公會齊侯紀侯盟于黃

此齊襄也十四年齊僖卒十五年桓王崩乃襄繼僖惡即有謀紀之意而公往平之

紀莊元年冬齊師遷紀邢部部

策書闕今以經考之齊襄乃亦連妯帝室是年夏單伯送王姬冬王姬歸于齊乃即于王姬歸齊之月遽遷紀三邑之民而取其地

紀三年秋紀季以鄆入于齊

紀侯之弟知紀不可保乃以紀之鄆邑納之于齊而身請事齊為齊守此邑以姑存宗祀此事策書未詳惟公羊曰魯子曰請後五廟以存姑姊妹



紀 四年三月紀伯姬卒

我伯姬以遭難死矣策書闕

紀 夏齊侯陳侯鄭伯遇于垂

于是齊大謀滅紀策書闕

紀 紀侯大去其國

紀侯知不保慨然曰吾不能為齊下矣乃去國而聽齊取之大去者一去而不復返也經不書紀滅者傷之亦予之也

紀 六月乙丑齊侯葬紀伯姬

策書闕今以經考之伯姬以三月死至六月始葬

則當紀侯去國時必齊師臨紀故紀侯之去即妻棺在殯亦揮棄不顧齊襄始為之葬之是齊師之逼遷紀侯之去不自由皆可見矣夫以國破人亡之際獨留一棺于其地為僱人所掩固已不堪况其所為掩之者非他人即伯姬也伯姬誰葬之是以齊侯遷紀紀季納鄆伯姬葬于紀叔姬歸于鄆魯史策書皆並無片語得詳其事而夫子啍啍焉書之又書之無亦有恫然于其間與

紀 十二年春王正月紀叔姬歸于鄆

策書闕今以經考之紀侯之去國又經十年策書



不備不知其寄居何所至是紀侯死而叔姬無所歸矣前三年紀季以鄒入于齊則鄒雖齊邑然紀之宗廟在焉叔姬不歸而歸鄒夫子深予其歸之正也春秋書滅國三十未有如紀之詳且盡者蓋先王封國豈容滅絕凡五等侯爵所繫匪細乃以强大肆惡漫無顧忌雖以天子之尊宗國之重而不能庇一親戚子女真有讀之而憤然與怒然傷者春秋開卷特詳此一事至歷三公閱五十八年合二十三條而吞嗟不已必至紀叔姬卒葬叔姬而後已誰謂春秋斷爛也

紀二十九年冬十有二月紀叔姬卒

叔姬伯姬之姊卒不宜書其書者哀紀也

紀三十年八月癸亥葬紀叔姬

八月而後葬何其緩也然策書不詳其事矣予故曰經詳而傳略簡書備而策書闕傳斷爛經不斷爛非無謂也

隱二年十有二月乙卯夫人子氏薨隱公夫人也

三年春王二月己巳日有食之

平王三月庚戌天王崩兩條一貫

平秋武氏子來求賻

平王崩列國宜遣卿奔喪致弔賻器幣今魯不奔喪而天王求賻胥失之矣特策書俱未詳其事耳

尹氏三年夏四月尹氏卒
三條一貫

策書本闕此事而左氏以已意改尹氏作君氏且以隱公母聲子當之謬矣今仍考策書隱公為公子時曾與鄭戰于狐壤而公被鄭獲囚于尹氏尹氏者鄭大夫也公乃賂尹氏而禱于尹氏所主之神曰鍾巫遂與尹氏皆逃歸而立鍾巫之神于尹氏而每歲祀之因以尹氏本客卿引為內卿其卒也必以內卿大夫之禮臨其喪而書之策并書之

簡今簡書尚存而策書已亡之矣所藉者公薨策耳

尹六年春鄭人來輸平

此亦鄭人悔狐壤之役而納成者乃策書又不詳其事

尹十一年冬十有一月壬辰公薨

隱以長庶攝桓位至此已十一年桓且長矣公子翬請殺桓以求太宰公不許翬懼反譖公于桓而請弑之先是公偕尹氏歸每歲就尹氏祀鍾巫之神出宿尹氏而不幸尹氏之已卒也至是出祭時

春秋條貫篇

古



館于寯氏而鞏得遣賊就寯氏弑公是此一尹氏
生則係公之患難死則係公之存亡有如此

三年八月庚辰宋公和卒 癸未葬宋穆公

四年春王二月莒人伐杞取牟婁

策書闕

州吁弑其君完 六條 一貫

衛君完者衛莊公之子桓公也桓公不知立于何
時據史世家衛桓立二年惡公子州吁驕奢紕之
而州吁出奔此春秋前事也至衛桓十三年始入
春秋當鄭伯克段之年而州吁在外一聞叔段事

乃特詣叔段而求與為友此其志行之不良已可
見矣至隱四年當衛桓一十六年而乃有州吁弑
君之簡見于春秋按世家衛桓十六年州吁忽收
聚衛亡人以襲殺桓公而自立為君則是州吁者
久奔在外非居國者也且稱兵入殺非居國而行
弑者也又且其事在衛桓之一十六年非衛莊初
死衛桓新立州吁乃得起而乘其隙也今策書全
缺但以衛莊寵吁石碻進諫一節誤載之隱三年
之後隱四年二月州吁行弑之前而且綴桓公立
三字于石碻諫文之末一似莊薨桓立公寵碻諫

春秋條貫篇

七



盡在此時而且弒完之策全無一詞並不知其從
內出從外入有兵無兵有衆無衆則非信史矣予
謂此必魯惠以前之策偶存是版而左氏即取之
以爲弒立之由實十六年以前之殘史非是簡是
策也故讀此經者亦但知州吁弒君已耳而其事
則無可考焉

州

夏宋公陳侯蔡人衛人伐鄭

見鄭伯克
段條下同

州

秋鞏帥師會宋公陳侯蔡人衛人伐鄭

州

州吁乃爲共叔段與師凡三月而兩伐之
九月衛人殺州吁于濮

州

冬十有二月衛人立晉

即衛
宣公

州

五年夏葬衛桓公

宋衛鄭
構難

四年夏宋公陳侯蔡人衛人伐鄭

十七條一
貫此與

下條一見鄭伯克段一
見州吁弒君至此三見

春秋宋衛陳鄭多構兵難此則宋衛鄭三國構兵
而他國附之然皆宋衛合而鄭獨當者嘗考其緣
始則鄭衛之構由于公孫滑之居衛滑以其叔之
子屢要衛師以伐鄭此衛難也宋鄭之構則由于
宋公子馮之居鄭夫宋公子馮之居鄭何也當宋
宣公之死也舍其子殤公不立而立其弟穆公及

春秋條貫篇

七



穆公死則亦舍其子馮不立而立宣公之子殤公
考商周立君法止有傳子傳弟二法而並無叔父
傳兄子之法故商制傳弟雖傳至一弟二弟三弟
而三弟崩殂即傳其子並無返而復授之兄子者
何則以二法外無三法也此可悟景泰帝不故春
得禪位沂王之說
秋傳弟有一變一亂宋宣傳弟宋穆而宋穆復還
之宋宣之子謂之變吳諸樊傳弟餘祭餘昧而諸
樊之子弒餘昧之子僚而自立則謂之亂是殤公
得立原屬非法然且穆公慮後先使子馮出居鄭
以絕其爭端而為子馮者亦復安居于鄭而並無

覬覦之意以要鄭兵甲而殤公日謀伐鄭十年十
一戰必欲殺馮而後已而寃之國怨民怒強臣入
弒而迎子馮而立之此殤公自取之也乃當殤公
未弒時則鄭遭殃矣此宋難也鄭遭此兩難而不
幸衛州吁者又共叔段之友也向好兵而無所用
今弒君可自專矣乃為共叔段與師合宋與陳蔡
而伐鄭焉

宋衛 鄭 秋鞏帥師會宋公陳侯蔡人衛人伐鄭三見前

顧我公子鞏則亦逆黨也重合四國以伐鄭

宋衛 鄭 五年邾人鄭人伐宋

春秋條貫篇



當是時鄭尚未報伐也會宋取邾田而邾怨之邾

請合鄭以報宋

鄭宋衛 冬宋人伐鄭圍長葛

而宋遽大興師以伐鄭圍其邑

鄭宋衛 六年冬宋人取長葛

必取其邑

鄭宋衛 八年春宋公衛侯遇于垂

時宋鄭大構而衛稍息肩則以州吁已死宋無從
牽之鄭亦不急報之也特是時齊僖欲平宋衛于
鄭以息其構而宋殤不欲先與衛宣私為會以晝

辭齊平鄭之策

鄭宋衛 秋七月庚午宋公齊侯衛侯盟于瓦屋

是以齊雖會宋衛而鄭終未平

鄭宋衛 九年冬公會齊侯于防

乃不意宋公不共王職桓王命鄭伯討宋而以齊
魯皆諸侯之長使來告也公乃奉命與齊侯會而
齊侯亦幡然從焉

鄭宋衛 十年春王二月公會齊侯鄭伯于中丘

又會鄭伯焉

鄭宋衛 夏鞏帥師會齊人鄭人伐宋



乃合三國以伐之

卷一

六

宋衛六月壬戌公敗宋師于營

鄭宋衛辛未取郟辛巳取防

敗之取其邑

鄭宋衛秋宋人衛人入鄭

是宋之受剝雖鄭主之齊魯輔之然實王命也乃

宋則仍以怨鄭之故舍齊與魯而專挾衛以報鄭

鄭宋衛宋人蔡人衛人伐戴鄭伯伐取之

且合三國以報鄭不克去而伐戴鄭伯乃救戴而

伐取其三師以覆敗之宋鄭之強弱不敵又如此

鄭宋衛桓二年春王正月戊申宋督弑其君與夷及其

大夫孔父

于是宋太宰華督乘民怨之隙謂殤公十年十一

戰民不堪命皆司馬氏孔父爲之遂殺孔父而弑

殤公迎公于馮于鄭而立之而鄭難始息

宋衛三月公會齊侯陳侯鄭伯于稷以成宋亂

鄭宋衛夏四月取郟大鼎于宋戊申納于太廟

然則宋亦何利乎

隱五年春公觀魚于棠

秋衛師入郕

春秋條貫篇

七

策書未詳其事

螟 冬十有二月辛巳公子彊卒

六年夏五月辛酉公會齊侯盟于艾

策書未詳其事

秋七月 七年 春滕侯卒 夏城中丘

齊侯使其弟年來聘

秋公伐邾

策書周章不合

冬天王使凡伯來聘 戎伐凡伯于楚丘以歸

凡伯與戎與以歸策書俱未詳其事

鄭來易訪

八年三月鄭伯使宛來歸訪

五條一貫

周禮成王營洛賜周公朝宿之邑于成周以其邑

近許謂之許田而鄭桓公為宣王母弟賜湯沐之

邑于泰山之下以其邑名訪謂之訪田訪田近魯

許田近鄭兩不相顧久矣今王不巡狩則訪田可

廢諸侯不朝則許田可廢因各以就近之故願為

相易雖鄭意在親魯然其說不可訓也今鄭先歸

訪以要必易且不言易而言歸而經亦為之諱之

田 庚寅我入訪

田 桓元年三月公會鄭伯于垂

春秋條貫篇

三



乃我甫入祊而隱公薨矣桓公復會鄭以成其事
鄭伯以璧假許田

乃又不言易而言假在祊田曰歸我在許田曰假
彼此必鄭故為謙文藉以諱易名之不可居而經
亦即因其諱而又諱之若其加璧或許重于祊或
鄭下于魯策書總未詳也

田 月丁未公及鄭伯盟于越

乃易而成而盟以結之使不敗也然嘗讀魯頌曰
居常與許復周公之宇則似僖公時曾敗盟而復
其地者奈策書未詳不可考矣

隱八年夏六月己亥蔡侯考父卒 辛亥許男卒

八月葬蔡宣公 蟊 冬十有二月無駭卒

九年春天王使南季來聘

策書闕

二月癸酉大雨震電 庚辰大雨雪

挾卒

策書闕

夏城郎 秋七月

十年冬十月壬午齊人鄭人入郕

策書未詳

春秋條貫篇

臣



十有一年春滕侯薛侯來朝

鄭伯入許夏公會鄭伯于時來三條貫

鄭與許隣而鄭每易許許之存亡鄭似得而操舍

之故春秋鄭許相為終始此鄭首謀伐許也

許秋七月公及齊侯鄭伯入許

鄭乃假齊魯之師竟入許國都而許莊已奔衛矣

鄭伯使其弟許叔守許西偏以俟許莊之還雖不

取其地然亦幾非許有矣

許桓十五年許叔入于許

許叔乃居許西偏一十二年乘鄭突出奔鄭忽復

西河合集

蕭山毛奇齡字初晴稿

又名姓文輝克有較遠宗姬潢

春秋條貫篇二

桓公

元年 春王正月公即位 秋大水 冬十月

二年春滕子來朝 秋七月杞侯來朝


蔡侯鄭伯會于鄧

策書云懼楚不合

九月入杞



入。之。際。而。自。入。之。第。不。知。許。莊。何。在。何。以。不。返。國。
策。書。總。未。詳。其。事。耳。



策書未詳

公及戎盟于唐 冬公至自唐

策書未詳

三年春正月公會齊侯于贏二十二條一貫

此桓求文姜也齊侯者齊僖姜之父也

秋公子翬如齊逆女

九月齊侯送姜氏于謹

僖愛女而親送之然於禮不合矣

公會齊侯于謹

夫人姜氏至自齊

冬齊侯使其弟年來聘

周禮女出嫁後隨遣大夫行致女之聘此以愛姜

故使其叔父為宗卿者行之

六年九月丁卯子同生

十五年公會齊侯于艾

此時齊僖已死今所會者齊襄也先此齊僖以鄭

怨之故合齊衛鄭三國來戰與桓公連搆彼此卿


怨者四年已絕好矣今齊襄繼起桓不得已乃思

修好而會之

十有八年春王正月公會齊侯于濼公與夫人姜

春秋條貫篇

二



氏遂如齊

而齊襄復修憾來戰于奚公懼勢不敵重尋艾之會而會于濼亦不得已也乃會畢而與夫人偕至齊則大誤矣豈是時齊僖夫人猶在而以歸寧之故同返齊耶抑藉此為修好地耶然不可考矣

姜夏四月丙子公薨于齊丁酉公之喪至自齊

姜齊襄乃通文姜而使公子彭生弑公子于車

姜冬十有二月己丑葬我君桓公

姜莊元年三月夫人孫于齊

前同喪歸今又去齊簡書獨稱曰孫孫者出也與

我君出奔曰孫義同

姜二年冬十有二月夫人姜氏會齊侯于禚


姜四年春王二月夫人姜氏享齊侯于視丘

視丘魯地則必齊侯以事至魯地而姜以兩君相饗之禮行之然不可考矣

姜五年夏夫人姜氏如齊師

此時齊未嘗用兵焉得有師即前年紀侯去國疑有師逼遷之然已歸國與魯莊冬狩禚矣此必有誤而策書全闕竟不可考

姜七年春夫人姜氏會齊侯于防



姜冬夫人姜氏會齊侯于穀

姜十五年夏夫人姜氏如齊

是時齊襄死八年齊桓之立已七年矣不知何事

又至齊而策書總未詳也

姜十九年秋夫人姜氏如莒

姜二十年春王正月夫人姜氏如莒

策書總闕

姜二十一年秋七月夫人姜氏薨

姜二十二年春王正月癸丑葬我小君文姜

七月而葬策書亦未詳

桓三年夏齊侯衛侯晉命于蒲

策書未詳

六月公會杞侯于郕

策書未詳

五年春正月甲戌巳丑陳侯鮑卒

策書于事理不甚合


天王使仍叔之子來聘

策書未詳

葬陳桓公城祝丘

鄭莊抗秋蔡人衛人陳人從王伐鄭條一

春秋條貫篇



據策書桓王奪鄭莊之政而鄭莊不朝王乃使三國勤王伐鄭戰于緡葛而三國以大夫帥師遂致敗績鄭視眈且射王中肩鄭莊大逆當坐首戮而諸國之罪亦從此不可賞矣春秋誅亂賊皆就事起義而文不求備如此事但書伐鄭而他書及豈貸鄭莊乎

大雩 螽

冬州公如曹

策書未詳

六年春王正月實來

策書未詳


桓公齊鄭之隙

秋八月壬午大閱

二十二條一貫

北戎伐齊齊僖與鄭莊以謀紀親密因乞師于鄭鄭公子忽遂帥師救齊大敗戎師獲戎二帥大良少良并甲首三百以獻于齊而齊侯德之時諸侯之師皆集齊人饋餼使魯為班次而魯據周制而班獨後鄭鄭忽大怒請師于齊齊侯以衛師助之將伐魯焉先是公未昏齊時齊僖欲以文姜妻鄭忽而忽辭之至是齊愛忽甚必欲妻忽以他女而忽又辭之故齊僖雖桓婦翁而親魯必不如親鄭

春秋條貫



愛魯桓必不如愛鄭忽因謀助之使伐魯而桓公知之假為大閱講武事以為備禦之計宜也

鄭齊

十年秋公會衛侯于桃丘弗遇

乃備之數年而謀終不解公以為齊邀衛助當藉衛宣以釋之故乞與宣會而衛宣復却之也

鄭齊

冬十有二月丙午齊侯衛侯鄭伯來戰于郎

鄭伯乃合齊與衛三國並來伐而戰于郎焉

鄭齊

十一年春正月齊人衛人鄭人盟于惡曹

又以戰郎未得志而重為是盟

鄭齊

柔會宋公陳侯蔡叔盟于折

不意春月甫盟而入夏而鄭伯已死宋莊公以鄭

突在宋乃納突而鄭忽出奔則其事已大變矣桓

公乃思乘鄭突之亂可圖報復又其時宋雖納突

而以重責突賂之故與鄭有隙且前此三國來伐

宋獨不與是宋可間也因遣大夫名柔者往會宋

公而謀與報鄭策書闕

鄭齊

公會宋公于夫鍾

公又親會之策書闕

鄭齊

冬十有二月公會宋公于闕

又親會之策書闕

鄭齊

十二年秋七月丁亥公會宋公燕人盟于穀丘而無如宋未應也當是時公乃轉計謂我所報者鄭忽也今鄭突矣突非我讎何必鄭請宋與鄭平使宋莊與鄭突相好則我可舍鄭而專意向齊此亦一計也是以又為是盟也

鄭齊

公會宋公于虛乃又會之策書闕

鄭齊

冬十有一月公會宋公于龜又會而宋莊以突賂未遂終不肯與平公幡然謂向者求成于衛而多一衛敵今求成于宋而宋不

應將必多一宋敵矣夫宋不肯平則宋者突讎也

突爭忽而齊本助忽則齊亦突讎也我釋鄭而助

突以報突讎突豈惡焉于是會鄭伯而求與之盟

鄭齊

丙戌公會鄭伯盟于武父遂與鄭伯盟武父而訂師期焉

鄭齊

十有二月及鄭師伐宋丁未戰于宋又以前伯之所怨在宋乃先伐宋以殺齊宋衛合并之勢

鄭齊

十有二年春二月公會紀侯鄭伯已巳及齊侯宋公衛侯燕人戰齊師宋師衛師燕師敗績此條與紀滅重見

春秋條貫篇

七

然後合鄭師以伐齊衛而一一戰之一一敗之雖
宋再出師與前穀丘所會之燕人亦專師以前而
皆不能敵

鄭齊

十四年春正月公會鄭伯于曹

鄭齊

公乃復會鄭于以結之
夏鄭伯使弟語來盟

鄭齊

而鄭伯復修盟焉
冬宋人以齊人蔡人衛人陳人伐鄭
不謂是年齊僖死宋獨合齊衛伐鄭以報前四國
之敗而明年鄭伯以雍糾之亂為祭仲所逐鄭忽

復入鄭而其事又變

鄭齊

十五年公會齊侯于艾

此條二見

夫突出忽入失一助而增一敵其勢固已危矣加
之齊襄初立新銳之氣勃不可當乃姑為修好而
與之會之

鄭齊

冬十有一月公會宋公衛侯陳侯于袤伐鄭

幸宋莊是時與鄭大惡蓋宋之惡突者徒以賂也
今忽之惡宋則以納突入而實與忽爭此國也故
宋鄭不兩立必有讎伐而其時則仍以納突之說
行之而我公則又求親宋莊反怨為好乘鄭忽初

春秋條貫篇



入之際而合以伐鄭

鄭齊

十六年春正月公會宋公蔡侯衛侯于曹

乃伐之未克而謀再伐之

鄭齊

夏四月公會宋公衛侯陳侯蔡侯伐鄭 秋七月

公至自伐鄭

及再伐而公志遂矣向戰鄭之怨可以釋矣故經

亦大書至伐以了其事

鄭齊

十七年夏五月丙午及齊師戰于奚

而不意齊襄之蓄憾而復來戰也

鄭齊

十八年公會齊侯于濼公與夫人姜氏遂如齊

見二

不得已修艾之會重會于濼當是時或齊僖夫人

尚在當藉之以修親好而無如其事之又變也先

仲氏曰桓頗有遠略城向大闕焚咸丘城祝丘皆

先事綢繆故當時有辟土服遠之諡觀其抗齊僖

結鄭厲敗四國之師稱有謀幹而究之積弱之餘

未能驟振至禍水一滴而大事去矣按鄭忽以辭

文姜而得齊之助桓公以昏文姜而翻失齊之助

春秋每以鄭忽為辭昏失援此妄言也特是桓之

娶文姜本屬不幸而不意鄭忽之讎彭生之禍畢

生憂患皆與是人為終始天實為之謂之何哉

春秋條貫篇

七



六年蔡人殺陳佗

策書闕

七年春二月己亥焚咸丘

夏穀伯綏來朝鄧侯吾離來朝

八年春正月己卯蒸

天王使家父來聘

策書闕

夏五月丁丑蒸

秋伐邾

策書闕

冬十月雨雪

九月冬曹伯使其世子射姑來朝

十年春王正月庚申曹伯終生卒夏五月葬曹桓公

十一年夏五月癸未鄭伯寤生卒秋七月葬鄭莊公

鄭忽鄭突出入始末九月宋人執祭仲突歸于鄭六條一貫

突忽鄭忽出奔衛

忽突者鄭莊子也鄭莊有八子而四見于經曰忽

曰突曰壘曰儀皆相繼為鄭君而儀且在位最久

凡一十四年而策書亡闕不知其廟號惟忽謚昭

公突謚厲公見於篇但二公俱非嫡子忽為蠻女

春秋條貫篇

十



鄧曼所出突為宋大夫雍氏女雍姑所出而忽長于突且以鄧曼為嬖臣祭仲足所娶故鄭莊生時即已立為世子矣及鄭莊卒宋莊公為大夫雍氏執祭仲足使廢忽立突而鄭忽奔衛

十五年五月鄭伯突出奔蔡

突忽

鄭世子忽復歸于鄭

越四年祭仲恃立突之故專政于國而鄭突患之使雍糾以享郊殺仲而糾為仲婿糾之妻洩其言于仲而仲殺雍糾兼逐突而突出奔蔡忽復歸鄭但忽之歸鄭不知其自歸之抑迎入之策書未之

詳也

突忽

秋九月鄭伯突入于櫟

是年突見忽之入復返櫟都殺守櫟大夫檀伯而自居于櫟

突忽

冬十有一月公會宋公衛侯陳侯于袤伐鄭見二當是時我公以讎忽之故假為納突以伐鄭而非其意也

越三年鄭大夫高渠彌有怨于忽弑忽立壘而齊襄黨忽復殺壘而裂高渠彌于是祭仲立子儀越一十四年至莊公十四年突然後侵鄭獲鄭大夫

春秋條貫篇

十一



傳。瑕。使。為。內。應。始。自。櫟。歸。鄭。殺。儀。自。立。又。八。年。而。突。始。卒。是。忽。之。立。國。祇。三。年。耳。突。前。立。四。年。後。立。八。年。合。一。十。二。年。而。傳。于。其。子。是。為。文。公。

十有二年夏六月壬寅公會杞侯莒子盟于曲池

八月壬辰陳侯躍卒 丙戌衛侯晉卒

十三年三月葬衛宣公 夏大水 秋七月冬十月

十四年春正月無冰 夏五

秋八月壬申御廩災 乙亥嘗

冬十有二月丁巳齊侯祿父卒

十五年春二月天王使家父來求車

三月乙未天王崩 夏四月己巳葬齊僖公

邾人牟人葛人來朝 冬城向

衛侯朔 十有一月衛侯朔出奔衛 六條一貫

衛侯朔者衛宣公之子惠公也前十二年衛宣死

惠公立已三年矣按世家衛宣有愛夫人夷姜者

生子伋以為太子既而為太子娶齊女未入室而

宣自納之生壽子及朔焉暨朔長與齊女譖伋宣

使伋之齊而令盜遮殺于途曰載白旄者太子也

壽聞竊白旄先行殺之伋至曰此我白旄也又殺

之惠公立左右公子皆不平復立伋母弟公子黔

春秋條貫篇

七二

牟而惠公奔齊

朔 莊三年春王正月溺會齊師伐衛

黔牟立五年而齊襄以齊女故忽與師納惠公而

我公以齊甥遣大夫溺助之

朔 五年冬公會齊人宋人陳人蔡人伐衛

越二年齊復合五國之師以納惠公

朔 六年春王正月王人子突救衛

時周莊九年王人忽救衛此必王國大夫有與黔

牟為親援者故急來稱救觀其後黔牟奔周又十

三年而衛朔以黔牟在周乘惠王奔濕合燕師伐

周納王子頹以報黔牟之怨則此一救衛必王國

與黔牟有大關合而惜乎策書之並亡也

朔 夏衛侯朔入于衛

衛侯乃以齊襄五國之勢抗王師復國殺左公子

職右公子洩而黔牟奔周

朔 秋公自至伐衛

朔 冬齊人來歸衛俘

齊惡乃復俘之

十有七年二月丙午公會邾儀父盟于越

說見元年



六月丁丑蔡侯封人卒

秋八月蔡季自陳歸于蔡

蔡桓侯無子故名其弟獻舞于陳而立之

癸巳葬蔡桓侯

及宋人衛人伐邾

冬十月朔日有食之 十有八年 秋七月

西河合集

蕭山毛奇齡字大可稿

又初晴文輝克有較
遠宗姬潢

春秋條貫篇三

莊公

元年 春王正月

齊襄娶夏單伯逆王姬四條

此齊襄娶王姬為夫人而單伯送之者也周禮王
姬下嫁必使上卿送之故此逆字是送字之誤但
送至魯者以天子不與諸侯婚必使同姓諸侯主

春秋條貫篇

一

之我魯宗國應主婚故來魯也

^姬秋築王姬之館于外

特莊公雖卽位而尚在憂次恐齊襄來親迎不便

行主賓之禮故築館在國外

^姬王姬歸于齊

^姬二年秋七月齊王姬卒

擅弓曰齊告王姬之喪魯莊爲之服大功以魯主

姬婚比之內女當服姊妹之服故也若王姬世次

不知與魯莊何等舊稱桓王女今以何彼穠矣之

詩稽之有云平王之孫則桓王女弟也特策書總

未詳矣

元年冬十月乙亥陳侯琳卒

王使榮叔來錫桓公命

賜追命也

二年春王二月葬陳莊公

夏公子慶父帥師伐於餘丘

策書闕

十二月乙酉宋公馮卒 夏四月葬宋莊公 五月

葬桓王

五年秋邾黎來朝

春秋條貫篇



七年夏四月辛卯夜恒星不見夜中星隕如雨

秋大水無麥苗

莊伐八年春王正月師次于郎以俟陳人蔡人四條一貫

策書闕杜氏云期共伐邾而陳蔡不至故駐師于郎以待之按邾小國居齊魯間文十二年有邾伯來奔之文而世家云邾叔武為文王子則邾固同姓伯爵之國或是時偶有小嫌思以服之亦未可知特策書不可考矣

邾甲午治兵

將陳而教戰禮也

邾夏師及齊師圍邾邾降于齊師

乃以二國師討邾則邾在必降所憾者獨降齊耳然則虐小何為矣

邾秋師還

冬十一月癸未齊無知弑其君諸兒

九年春齊人殺無知 秋七月丁酉葬齊襄公

魯莊與齊桓公及齊大夫盟于薳十條一貫

前一年齊無知弑襄公齊大夫鮑叔牙奉小白奔莒管夷吾召忽奉子糾奔魯皆襄公弟也至是齊大夫與子糾黨者將迎糾于魯而來為是盟

春秋條貫篇

三

^{惡齊}夏公伐齊納子糾齊小白入于齊

乃公為伐齊納糾而小白先自莒入矣

^{惡齊}八月庚申及齊師戰于乾時我師敗績

則不能納糾原可以已乃歷夏及秋而我師未退

齊桓因賈勇出戰我師敗績莊公喪所乘大路而

遞乘他車以歸

^{惡齊}九月齊人取子糾殺之

然後使鮑叔來成請殺子糾而生得管仲名忽以

去召忽自殺管仲乃仕桓而為大夫焉

^{惡齊}冬浚洙

公乃浚洙以待之洙者魯之北齊之南齊魯所以

界也

^{惡齊}十年春王正月公敗齊師于長勺

當是時齊桓思以兵政威天下而魯本易與且糾

黨也請威之自魯始乃計前子糾之取甫及三月

而遽興師集其地公懼會魯有奇士曹劌者草野

言兵事公急見之請教曰必忠信而可公曰諾使

之主戰俟齊師作氣鼓三絕而後馳之齊師敗不

即逐也俟其奔之急轍已亂旗已靡無伏莽也夫

然後長驅而逐之境外

春秋條貫篇



齊惡二月公侵宋

夫以齊桓之強管仲之謀初出師而敗于魯無足道矣乃將合宋師來伐而我覘知之而先為侵宋

齊惡

夏六月齊師宋師次于郎公敗宋師于乘丘

及齊師宋師合并而來宜直入國都而未敢也乃

徘徊境上而次于郎邑公子偃魯大夫也望宋師

不整請先擊宋以收之宋敗齊必退而公未之許

偃乃自雩門竊出蒙臯比皮虎而犯之公從之大敗

宋師于乘丘公乃自以金僕姑射宋力士南宮長

萬生獲之齊師不敢戰既而遁去

齊惡

十一年夏五月戊寅公敗宋師于鄆

越一年齊不敢報伐而宋先報之公復親禦之乘

其未陳而薄之而宋復大敗

齊惡

十三年冬公會齊侯盟于柯

其明年宋南宮長萬以見獲于魯之故為其君宋

閔所嘲而萬遂弑閔其在宋之憾可稍釋矣獨齊

謀與霸已經四年而不能得志于魯且是年首會

諸侯于北杏以平宋亂而魯獨不與壇坫之間未

免少歉因于是年冬忽反惡為好急為是盟而齊

魯之惡於此終焉若曹沫劫盟要反侵地雖世家

春秋條貫篇

五



亦有之予向亦惑公羊說載之傳中然策書無有且似傲夾谷之會而造其事者蓋夾谷反侵地本夫子權宜之詞因其責貢賦而抵以是言若無故而反要地不惟齊桓與管仲不許即齊景晏嬰亦豈許之且隱桓之際約三十餘年在齊魯並無侵奪都邑并挾地奔獻之事况齊南魯北地亦多有安必如南荊陽虎所獻皆耶謹龜陰之田在汶水北者而動曰汶陽無是理也然而世家亦傳之曰此戰國間訛文也手劍劫盟戰國之習也

十年三月宋人遷宿

策書闕

楚伐蔡

秋九月荆敗蔡師于莘以蔡侯獻舞歸二條一貫

蔡哀侯獻舞者蔡桓侯之弟桓十七年經稱蔡季自陳歸于蔡者是也據傳蔡哀侯與息侯俱娶于陳而息媯于歸時過蔡蔡侯不敬息侯聞而怒請楚文王來伐息而求救于蔡楚因其來救遂專擊蔡敗諸莘而鹵哀侯以歸

蔡

十四年秋七月荆入蔡

哀侯乃怨息譽息媯之美以悅楚子楚子如息假設食入享遂滅息以息媯歸生堵敖及成王而暗

春秋條貫篇

六

而不言問之曰吾一婦而事二夫縱弗死其又奚
言楚子乃為之伐蔡據世家無再伐蔡事且哀侯
留蔡九年死于楚蔡人立其子為繆侯是此時哀
侯正在楚不得又有伐哀侯之事凡此皆不可考

齊滅譚

十年冬十月齊師滅譚譚子奔莒

十有一年秋宋大水

宋萬弑君

秋八月甲午宋萬弑其君捷及其大夫仇牧

二條

貫一

宋萬即南宮長萬也長萬于乘丘之戰為莊公射

而獲之宋君請還萬且嘲之曰魯囚也萬卿之至
是弑閔公于蒙澤并殺仇牧羣公子奔蕭公子御
說奔亳萬子南宮牛與猛獲帥師圍亳

君

冬十月宋萬出奔陳

宋人以曹師伐亳殺南宮牛于師而猛獲奔衛長
萬奔陳宋請獲于衛衛歸之及請萬于陳陳人飲
萬酒而裹以犀革比至宋而犀革皆裂宋人並醢
之而立公子御說御說者閔公弟即宋桓公也

齊桓借平宋以興霸

十三年春齊侯宋人陳人蔡人邾人會于

北杏

五條一貫



齊桓興霸自平宋始平宋之會自北杏始然實不知其何以平也以為賊未討耶則南宮氏滅矣以為新君未定耶則公子御說已在位矣必欲平之豈御說不當立應別立一君乎抑欲使御說服齊事霸主乎不可考矣

宋平

十四年春齊人陳人曹人伐宋

然且謂北杏之會宋人背之復合三國以伐宋

宋平

夏單伯會伐宋

并請師王國以伐宋

宋平

冬單伯會齊侯宋公衛侯鄭伯于鄆

然後宋服而會之夫平宋者平宋亂也今宋已無亂而乃挾天王諸國之勢脅新君而使之服已平亂如是乎

宋平

十五年春齊侯宋公衛侯鄭伯會于鄆

于是又會之而齊霸以起傳曰齊始霸也

齊滅

十三年夏六月齊人滅遂

二條貫

北杏之會原屬無理乃以遂人不至而竟滅其國

遂

十七年夏齊人殲于遂

守其地越四年遂之遺民飲齊戍而盡殺之可謂快矣第不知此後仍還其國抑并滅其民或遷其

春秋條貫篇

八



民而策書總未詳也

十五年夏宋人齊人邾人伐鄭

策書未詳其事

齊桓以服鄭報魯鄭人侵宋九條一貫

鄭突復國怨宋之不納之也遂侵宋策書未詳

報服鄭魯十六年夏宋人齊人衛人伐鄭

宋合齊衛報伐之

報服鄭魯冬十有二月會齊侯宋公陳侯衛侯鄭伯許男

滑伯滕子同盟于幽

可以已矣齊桓乃借此熙鄭創為斯會以為成鄭

之役夫宋鄭構伐與齊何與而欲其成于已然

則所謂兵車之會衣冠之會動合諸國以號于諸

侯皆無道之會也當是時我魯猶與會也

報服鄭魯十七年春齊人執鄭詹

乃成之則亦已矣鄭使詹至齊而齊又執之

報服鄭魯秋鄭詹自齊逃來

及鄭詹逃齊與魯無與乃不謂其來于魯也

報服鄭魯十九年秋公子結滕陳人之婦于郵遂及齊侯

宋公盟

前此齊宋之怨遲久未報乘丘長勺蓄憾深切徒

春秋條貫篇

卷三

八



以盟會未齊故假柯之盟以暫為銷釋而乃收齊
叛以與齊抗則桓有詞矣又且齊宋讎魯原屬一
體今事連齊宋正可合并于是齊桓宋桓將與師
伐魯特為是盟而公子結以致媵陳侯之故道聞
其事乞為參盟以解之此亦使臣專事之用心也
而無如齊宋之勢之不可已也

報服 冬齊人宋人陳人伐我西部

夫以無故欲服鄭而移憾于魯公然見伐霸者之
行事槩可賭矣此皆策書全不解而夫子經文一
一備書之以志齊惡者若夫陳亦與師者斯時陳

宣娶衛女而我以同姓媵之意必公子致媵時以
盟鄆故誤其事而策書又闕之也

報服 秋七月丙申及齊高傒盟于防

桓乃自知無禮復遣上卿來修好而因而盟之

報服 二十五年春陳侯使女叔來聘

陳亦使陳大夫女叔來修好

報服 冬公子友如陳

而我亦報之

十六年荆伐鄭

策書未詳



邾子克卒 十七年冬多麋

十八年春王三月日有食之

夏公追戎于濟西

策書不詳其事

秋有蝥 冬十月 十有九年春王正月 夏四月

二十年夏齊大災 秋九月

冬齊人伐戎

策書闕先仲氏曰此齊桓攘夷狄也

二十有一年春王正月 夏五月辛酉鄭伯突卒 冬十有二月葬鄭厲公

二十有二年春王正月肆大青

策書闕

陳人殺其公子御寇

御寇不知以何事見殺策書不詳特是時陳公子

完以御寇之黨而出而奔齊

夏五月

魯莊齊桓
交好始末冬公如齊納幣十二條

齊桓為柯盟以釋長勺乘丘之怨今復修防盟以

釋伐我西鄙之怨酬報已訖遂一意和結而申以

婚姻之好而為魯莊者亦遂傾心以應之從來納

春秋條貫篇

十一

幣遣上卿而公必親往過也非禮也特策書未備
不知莊所娶者何公之女或曰桓女則僖公娶桓
女矣僖十七年經書夫人姜氏會齊侯于卞是也
以父子而為僚壻不可且桓子昭公為魯壻亦稱
莊女則未有其子婿我而我又為其壻者或曰襄
女如胡氏所稱讎女者則齊襄之弑距今已一十
五年必不當有十五年前之室女于此未嫁且莊
娶襄女自以文姜為主婚姜死距桓弑廿二年距
襄弑十四年何不于此時主婚納幣逆女一了其
事至身死二年而尚曰讎女之娶文姜主之究誣

甚矣此必當時有公族他女可為婚姻而策書總
未詳也第魯莊原有妻築臺黨氏已自娶孟任為
夫人生子般矣周禮諸侯可再娶皆稱夫人則其
子皆是嫡故魯桓為再娶夫人之嫡子般為始娶
夫人之嫡禮例瞭然但再娶夫人則必始娶者已
死而衛莊姜未死而再娶厲媯此孟任未死而再
娶哀姜其為周禮與春秋時禮皆不可考耳

好齊好齊

二十有三年春公至自齊
夏公如齊觀社
遂借祭社以耀戎器而請公往觀誇之亦親之也

春秋條貫篇

十二



公至自齊

好齊

公及齊侯遇于穀

未已也。又為遇以親之。

好齊

秋丹桓宮楹

而我則以將娶于廟而故為非禮之飾以誇之。

好齊

十有二月甲寅公會齊侯盟于扈

復兩為會以盟之。

好齊

二十四年春王三月刻桓宮楹

我又誇之。

好齊

夏公如齊逆女

且親迎焉

好齊

秋公至自齊

好齊

八月丁丑夫人姜氏入

乃以孟任在宮而姜與公不同入

好齊

戊寅大夫宗婦覲用幣

又不于至日朝廟而復隔一日始朝廟而行宗覲

之禮是齊魯交好于此已畢而哀姜之禍則從此

已肇其端也。

二十三年春祭叔來聘

策書闕



荆人來聘

策書闕

蕭叔朝公

策書闕

冬十有一月曹伯射姑卒 二十四年葬曹莊公大

大水

冬戎侵曹曹羈出奔陳赤歸于曹

策書闕

郭公

策書闕

二十有五年夏五月癸丑衛侯朔卒

六月辛未朔日有食之鼓用牲于社

杞伯姬叔

伯姬歸于杞

十二條 一貫

此莊女也歸杞者為杞成公妻也策書闕

杞二十七年春公會杞伯姬于洮

是時杞惠公在位成公雖娶妻而未立也伯姬之來必有事而入于境而公亦必以有事而後出國而與之相遇而惜乎策書俱亡之矣若其不入國則以歸杞未久不當歸寧故止而不入禮也

杞冬杞伯姬來

春秋條貫篇

十四

此當歸寧時矣

杞伯來朝

于是杞惠修事大之禮而來朝焉

僖五年杞伯姬來朝其子

乃越一十三年惠公雖尚在成公猶未立而成公

之子桓公已生姬遂于寧母成風之際攜其子來

魯而使之行朝公之禮謂之朝其子是時僖公為

伯姬兄弟桓公者僖之甥也策書闕

二十三年冬十月杞子卒

乃于伯姬朝子之明年杞惠公卒而經不書不赴

弔也今杞成公又死經第書卒而不書葬則遣弔

而不會葬也

二十七年春杞子來朝

于是成公之子桓公為伯姬所出向之攜而來朝

者今已立四年又來朝而修嗣君禮焉

秋乙巳公子遂帥師入杞

乃不知何事甫來朝而遽伐之而策書總未詳也

二十八年秋杞伯姬來

此以我伐故而伯姬親來求解免者策書闕

三十一年冬杞伯姬來求婦

春秋條貫篇

十五

伯姬乃修好仍欲求我女為桓公婦而我許之即
經所稱子叔姬者第桓公年已長不知始娶何婦
有子與否而此所娶嫡又不知是何公之女而策
書總未詳也若夫姬自求婦者國君必無父必以
國母命娶婦此是周禮故夫子直書之而胡氏以
此為亂政之戒真不通也

杞文十一年春王正月杞伯來朝

又不知叔姬何故歸桓公一十四年而以有過當
去桓公特來朝請第絕叔姬而不絕我婚更以叔
姬之姊為夫人而我又許之傳云杞桓公來朝始

朝公也此是左氏臆語嗣君始朝則僖廿七年已
朝之矣若朝嗣君則未有十二年始朝者又云且
請絕叔姬而無絕婚此策書文而惜其又未詳也

杞二月庚子子叔姬卒

正月見絕而二月即卒此必有以抑鬱死者經書
子叔姬一似我室子而未歸杞者此書例也

莊二十五年秋大水鼓用牲于社于門

莊公二十六年春公伐戎三條一貫

夏公至自伐戎

秋公會宋人齊人伐徐徐即戎也

策書總闕

二十六年夏曹殺其大夫

策書闕

冬十有二月癸亥朔日有食之

齊桓公會盟夏六月公會齊侯宋公陳侯鄭伯同盟于幽

據策書陳鄭服也然陳鄭無叛亂之事何故使服
要不過強伯脅之使從已耳齊桓之盟會總如此

秋公子友如陳葬原仲

自奔葬其友也

莒慶來逆叔姬

此又我女之嫁莒大夫者按莒舊與我怨隱八年
藉紀侯為我婚因而平之故今且與莒大夫為婚
姻其後季友伐莒交惡如故至僖二十五年而莒
慶親魯復託衛求平因之有莒慶盟洮莒子盟向
之事詳見于後

天王責齊桓伐衛公會齊侯于城濮二條一貫

此策書無文而杜氏曰謀討衛也夫此時衛本無
過何故討衛乃據他策書初周莊王寵王子頹及
惠王即位而子頹與王國五大夫作亂惠王奔濫
其時衛侯朔者本弑兄賊也奔而反國惡公子黔


春秋條貫

十七

牟在周。乘子頹奔衛。遂奉子頹。同燕師伐王。并立子頹。此前事也。當是時。賴鄭厲公。突幹父之蠱。直執燕仲父。而奉王歸衛。以居于櫟。且入成周。取寶器與虢叔。謀納王。其明年。鄭厲公親奉王入京師。殺王子頹。以平大難。而其時。齊桓興霸。已一十二年。為會為盟。正值服鄭報魯之際。威行四出。並未嘗曰。天子蒙塵。王室喪亂。伯主為之。召一國興一師。費一矢也。今相距又八年。亂賊已消。君側已清。衛侯朔之肆逆。旋已喪亡。即鄭厲公之獨身勤王。建不世大功。為春秋以來可嘉之人。亦且謝世已久而。天王忽念前事。特賜齊桓。命使之討衛。此非命之實責之也。乃桓亦自知無狀。難以對眾。因不敢復會諸國。而第會我公。而謀之。

^{王天}二十有八年春王三月甲寅齊人伐衛衛人及齊人戰衛人敗績

而且不煩我師。自為督戰。兼令大夫之無名者。統其眾。第數衛前罪。以敗之。而不知事在衛。朔其子不受撻。桃而咒李。雖喋喋亦無益也。凡此皆夫子修簡書時體。天王之意。依事直書。以使之自媿者。故王室之亂。外史失告于四方。以致魯史無文。然



總於此書見之是以子頹之逆衛朔之叛鄭厲之功皆策書所有而左氏無識不能合傳于此簡之下致東根西觸多所散軼而實則簡策並存未有闕也其後首止葵丘謀定王位雖襄王此時實來告難然亦有鑒前轍改悔自奮因之成尊王之功所謂迫于名義之不得已而藉此補救與鄭厲之獨身勤王無所為而為之者相去遠矣予著是條時左臂風痛瞑而假寐有丈人者請讀之曰如是是責之非命之也醒而豁然曰教我矣因叩首凡間改天王命齊桓為責齊桓且增非命之實責之

句恍神助焉

夏四月丁未邾子瑣卒

秋荆伐鄭公會齊人宋人救鄭

鄭與楚無讎而無故以讎伐之其合而救之宜也然楚之爭鄭則自十六年以後又一見矣

冬築郿大無麥禾 臧孫辰告糴于齊


二十有九年春新延廡

許鄭侵 夏鄭人侵許

鄭許不兩立然自鄭莊入許後越四十八年至鄭文而又往伐必別有其事而策書總未詳也

春秋條貫篇

十七



秋有蜚 城諸及防

三十年春王正月

夏師次于成

策書闕

秋七月齊人降鄆

策書闕

九月庚午朔日有食之鼓用牲于社

齊伐山戎冬公及齊侯遇于魯濟 三條一貫

山戎病燕齊桓謀伐而魯會之先仲氏曰齊桓之所為攘夷狄此是也

山齊人伐山戎

山三十一年六月齊侯來獻戎捷

三十有一年春築臺于郎 夏四月薛伯卒

築臺于薛 秋築臺于秦 冬不雨

三十二年春城小穀

夏宋公齊侯遇于梁丘

傳稱為楚人伐鄭之故謀會諸侯按前荆伐鄭在二十八年距此五年事已往矣後楚人伐鄭在僖元年則在三年後焉得先事而知之荒唐極矣且未有謀救鄭而單會一宋公者且後此不救鄭也

春秋條貫篇

二十一

仲叔姜氏弑逆始末秋七月癸巳公子牙卒十五條

公子牙者莊公弟也莊有三弟曰仲慶父曰叔牙
曰季友皆桓公之子謂之三桓而莊公與季友同
母故季友以嫡弟為桓氏宗卿而慶父叔牙皆下
之公始娶夫人曰孟任魯大夫黨氏女也初見孟
任美欲私從之不可乃盟而娶為夫人生子般焉
及莊廿二年齊桓將修好于公因再娶齊女為夫
人即後所稱哀姜者以氏族之貴聘娶之盛遂絀
孟任而先之若所稱正次也者雖其為周禮為春
秋時禮總不可考然向使姜氏有子則莊當立之
矣後不待言也不幸姜無子則雖姜之媵叔姜已
生閔公即先此始娶之媵成風已生僖公而皆不
得奪孟任始娶之嫡因議立子般而季友以宗卿
佐之此必當時所受之禮又有然者不意姜有淫
行與慶父私通共謀絀孟任將廢子般而閔僖支
庶勢難篡易遂造為莊公不傳子而傳弟之說以
變亂其事蓋為慶父弑立地也時叔牙與慶父同
母助慶父而公聞之因要季友使為主友曰請以
死奉般遽假公命酖叔牙于鍼巫氏而立叔牙子
公孫茲父為叔氏後

叔仲 八月癸亥公薨于路寢

及公薨立子般焉

叔仲 冬十月己未子般卒

無如叔牙雖死而姜氏與慶父膠結不解乘子般

立于黨氏乃使力士圍人筆就黨氏弑之

叔仲 公子慶父如齊

季友又立叔姜之子啓為閔公而慶父奔齊其奔

齊者恐季友討亂而以姜氏為齊女與助姜也

叔仲 閔元年秋八月公及齊侯盟于落姑

乃季友亦先奔在陳而告難于齊不惟離齊姜之

黨并請齊桓會落姑與閔公特盟以定其位

叔仲 季子來歸

而然後來歸以佐之左氏不識經反謂閔盟齊桓

以請季歸夫季自可歸不必齊請即齊亦焉得請

季歸且閔亦必不能會齊桓以為之請也九歲之

孤內制姜氏季者姜讎也誰則使之請季者

叔仲 冬齊仲孫來

乃季請桓會閔及來歸而又得齊大夫來以省魯

難雖桓意實季意也

叔仲 二年秋八月辛丑公薨

春秋條貫篇

二十三

卷三

三十一



無如變起宮掖仲慶與姜氏復使卜齒弑公于武
闈武闈者右宮門也武者右也

叔仲

九月夫人姜氏孫于邾

于是季友將討亂而姜氏奔邾不敢奔齊也季乃
立僖公且亦奔邾制姜氏而絕仲慶之往

叔仲

公子慶父出奔莒

仲慶亦不敢奔齊并不奔邾而轉而奔莒季乃賂
莒請慶歸而迫之于途使自縊焉

叔仲

冬齊高子來盟

齊桓因使上卿來盟以定公位且省魯難

叔仲

僖元年秋七月戊辰夫人姜氏薨于夷齊人以歸

遂取姜氏于邾而殺之且以其屍歸于齊與魯絕
也夷者齊地也徐仲山日記曰季友之殺二兄齊

桓之殺齊女二人之討亂賊其義一也

叔仲

十有二月丁巳夫人氏之喪至自齊

僖公則不忍竟絕其母請母喪歸

叔仲

二年夏五月辛巳葬我小君哀姜

然而刑戮之屍不當歸兆并不當會葬行虞祔卒
哭諸節而僖公過情直以小君之常禮行之

叔仲

八年秋七月禘于太廟用致夫人

且因禘祀之際復致主而行入廟之禮則失之矣
禮不薨于寢者不殯于庭不致主于廟

莊三十二年狄伐邢

見後

齊公以不為其好也

姓十官二民十以夫人以之喪卒自齊

味之難齊之二人之情猶其難一也

出夷齊齊出谷於山日晴日卒文之難二只齊

後如姜刃于淋而難之且以其氣體于齊與魯難

也謝示尹焯十只刃氣夫人姜刃讓于夷齊人以禮

西河合集

蕭山毛奇齡 字大可稿

文輝克有較
遠宗姬黃

春秋條貫篇 四

閔公

元年 春王正月

邢衛狄相莊三十二年狄伐邢 十三條

此狄伐邢之始也公穀皆云狄滅邢非也策書闕

邢衛閔元年齊人救邢

齊桓于是遣大夫救邢先仲氏曰此即齊桓之所

春秋條貫篇



為攘夷狄者而世誤以伐楚事當之也

狄邢衛 二年十有二月狄入衛

乃是時邢與衛俱與狄鄰且俱以狄為病故狄于
伐邢之後轉而入衛而衛懿繼惠而立不愛民而
愛鶴每使鶴乘車以遊至是狄至甲士受甲者皆
曰吾步士也何能戰當使乘車者出戰耳而于是
衛師大敗策書所云狄滅衛是也其時國人怨衛
惠之殺兄伋自立因舍惠懿之族復立黔牟弟昭
伯之子申為戴公廬居于漕以黔牟昭伯皆伋母
弟也先仲氏曰漕無城故廬居然曰廬者亡國之

禮也齊桓乃使公子無虧帥車三百乘甲士三千
人戍漕而戴公又死國人又立戴公之弟燬為文
公文公乃衣大布冠衣收衛遺民而居之先仲氏
曰大布冠衣喪服也亦亡國禮

狄邢衛 僖元年齊師宋師曹師次于聶北救邢

而無如狄之乘衛敗而又伐邢也齊桓又帥諸侯
之師以救之則邢與衛為唇齒明矣

狄邢衛 夏六月邢遷于夷儀

齊桓乃以邢不可居遂乘其出奔而遷于夷儀

狄邢衛 齊師宋師曹師城邢

春秋條貫篇

二



然且卽以諸侯之師爲之城焉

狄邢

二年春王正月城楚丘

獨其時衛尚未城乃踵城邢之役而轉而城衛使

邢衛俱遠狄難齊桓之同惡相恤如此

狄邢

十三年春狄侵衛

于是邢衛安枕者各十三年不謂狄勢未衰齊桓

甫平戎于王亦第攘之而未有以使之創至是狄

復侵衛是向之爲狄滅者係舊衛原與狄迄今之

受侵者爲新衛旣已遠于狄而狄復侵之則漸不

可長矣策書闕

狄邢

十八年冬邢人狄人伐衛

然猶幸狄無與耳從來夷與夏黨夏與夏黨當時

爲邢衛者並受狄禍是同病也同姓之國加以同

病自宜爾我相恤乘齊桓尚在併心協力以拒狄

爲事誰曰不然而不謂邢之畏狄而反助狄以伐

衛衛何堪矣衛文乃大創請讓位去國而國人留

之

狄邢

十九年秋衛人伐邢

衛文乃砥礪伐邢以剪狄之與此非衛伐邢邢自

伐也



狄邢衛

二十年秋齊人狄人盟于邢

邢復以見伐之故告于狄而狄謀報之是以邢狄將特盟而不謂齊孝公者因齊桓亡時宋襄納孝公而狄窺齊隙假名救齊實興師以拒孝公之納而孝公反畏之至是齊桓之死甫及三年而齊孝不承父志父攘狄救衛而齊孝反因狄伐衛而與之參盟是合邢與狄與齊而共謀一衛衛之病也甚矣

狄邢衛

二十一年春狄伐衛

乃參盟未幾而狄果侵衛是狄為邢報十九年之

狄邢衛

伐而齊又助之此非狄為難實邢為難也

邢衛不兩立勢非滅邢則狄不可禦非滅邢以禦狄則衛不可存衛文乃深于用謀先以衛大夫禮至昆弟仕于邢國而後興師伐邢陰以二禮為內應而入而滅之則是衛之滅邢非滅人國也存其國也邢之為衛滅非衛滅之也邢自滅也乃若齊桓之攘夷狄同惡相恤所稱一匡頗見于此而其子一舉而反之孟子曰今之諸侯五伯之罪人也春秋之義俱見矣至于狄書人衛文書名舊解無

春秋條貫篇

四



理詳見毛氏傳中

閔元年夏六月辛酉葬我君莊公

二年春王正月齊人遷陽

策書闕

夏五月乙酉吉禘于莊公

鄭棄其師

僖公

元年春王正月

齊桓救鄭以伐楚楚人伐鄭十五條

前莊十六年楚始伐鄭十八年又伐鄭齊桓會

我與宋師同救鄭矣至是又伐鄭似與齊爭此鄭者

齊桓八月公會齊侯宋公鄭伯曹伯邾人于榿

齊桓二年秋九月齊侯宋公江人黃人盟于貫

齊桓既會諸侯以謀之乃又盟江黃以離楚之黨

齊桓楚人侵鄭

而楚復侵鄭不肯已

齊桓三年秋齊侯宋公江人黃人會于陽穀

齊桓復舉前盟以覘之蓋未敢即救鄭也

齊桓冬公子友如齊蒞盟

春秋條貫篇

五



我以未會陽穀因往盟

齊桓伐楚人伐鄭

而楚又伐之不巳

齊桓四年春王正月公會齊侯宋公陳侯衛侯鄭伯

許男曹伯侵蔡蔡潰遂伐楚次于陘

當是時齊桓方有憾于蔡以蔡姬得罪于桓桓遣

之歸蔡而蔡人竟嫁之也桓本欲伐蔡而蔡又為

楚與國因先以諸侯之師伐蔡潰蔡師而後伐楚

且不即進師而次于陘以待之蓋欲不戰而使之

詰也而楚亦果不用兵而使使來請倘是時管仲

有識明正其罪直告以先王成憲母相侵奪乃三

年之間無故而伐王朝之宗國分鄭為周厲三轍其

地罪在何等則楚必無詞以對而乃扳緣古昔徒

以包茅不貢昭王不復為楚罪則楚有說矣猶幸

而包茅之入楚受之耳萬一日岱啖絲泉海谷鉛

松齊先公僖襄以來有常貢乎則齊必絀然而無

如楚之不敢抗也推其意皆由齊楚之爭鄭各在

意中而齊以私勝而不敢發而楚則利于不發而

唯唯以退而自此齊楚爭鄭則藉以暫息至齊桓

亡後晉文伐鄭而晉襄復與秦爭鄭再啓兵端至

春秋條貫篇

六



文宣以後則晉楚明明爭鄭終春秋之世鄭自此無寧日矣

齊桓夏許男新臣卒

時許男隨齊伐楚而卒于師中

齊桓楚屈完來盟于師盟于召陵

楚乃使大夫來受成一盟于師再盟于召陵

楚齊齊人執陳轅濤塗

齊師與諸侯之師將歸陳大夫轅濤塗者恐師還

自陳鄭間則必重費供億因與鄭大夫申侯謀請

觀兵東夷循海而歸以蘇陳鄭之困而申侯反告

塗齊以不便齊侯乃賜申侯以鄭之虎牢而執轅濤

齊桓秋及江人黃人伐陳

且伐陳焉

齊桓八月公至自伐楚

齊桓葬許穆公

前時許男卒于師至是葬之以加等之禮

齊桓冬十有二月公孫茲帥師會齊人宋人衛人鄭

人許人曹人侵陳

而復以陳未受成又伐以成之歸轅濤塗焉

春秋條貫篇

二



僖元年九月公敗邾師于偃

策書未詳

冬十月壬午公子友帥師敗莒師于鄆獲莒拏

前公子慶父奔莒時季友以賂莒而得慶父今莒

來責賂不已且興師以入魯地則不可賞矣因敗

之且獲莒拏焉若生獲死獲策書未詳

晉滅

二年虞師晉師滅下陽

二條貫

晉獻入春秋便滅二同姓國而荀息為之倡謀晉

君臣之惡如此據傳晉賄虞假道以伐虢宮之奇

諫虞公不從因假道以滅虢下陽

虢五年冬晉人執虞公

越三年晉又假道于虞以伐虢宮之奇又諫又不

從遂滅虢并襲虞執虞公去而虞虢並亡蓋晉挾

強詐以亡人國而虞以貪愚自亡皆春秋所深戒

也

二年冬十月不雨

三年春王正月不雨夏四月不雨

徐人取舒

徐徐戎也舒楚與國也此為十五年楚人伐徐之

本

春秋文句貫注

八



六月雨

晉殺世子五年春晉侯殺其世子申生六條一貫

晉獻娶齊姜生太子申生又娶戎二女大戎生重耳小戎生夷吾及伐驪戎得驪姬而嬖之甚姬生奚齊姬之娣生卓子遂欲廢太子而立奚齊時晉大夫里克平鄭荀息皆在朝荀息阿獻公定廢立之議而平鄭里克皆不從既而驪姬譖太子謂太子寘毒祭肉以進公公殺太子傅而太子自經重耳夷吾皆出奔

世子九年九月甲子晉侯從諸卒

越四年而晉獻死

世子冬里克殺其君之子奚齊

里克將發難先告荀息荀息曰廢太子而立奚齊吾之言也吾何可食言克乃殺奚齊于喪次時晉獻猶未葬也未葬稱子以未成君也于是荀息立卓子先仲氏曰爾時里克與平鄭果主義而不阿惑當與國人謀迎羣公子還國宣言公惑命不可遵卜立羣公子而廢奚齊不當遠行弑也

世子十年晉里克弑其君卓及其大夫荀息

里克又殺卓子并荀息時已葬故稱君

春秋條貫篇

七



世子晉殺其大夫里克

里克與平鄭乃召重耳于翟而重耳辭之夷吾則賂秦求人焉時秦穆特使人弔二公子以覘其賢否將納重耳而秦公子繫反勸穆納夷吾以亂其國因納夷吾是為惠公而惠公惡里平之召重耳遂殺里克

世子十一年春晉殺其大夫平鄭

明年平鄭使秦歸并殺平鄭先仲氏曰里克弑君平鄭不弑君經皆書殺其大夫則知非討賊文也此與齊人殺無知衛人殺州吁于濮文例不同

五年夏公孫茲如牟

齊桓定公及齊侯宋公陳侯衛侯鄭伯許男曹伯會

王世子于首止十三條

周襄王為王世子時惠王欲廢之而立王子帶齊桓乃帥諸侯請會王世子以定其位

位王秋八月諸侯盟于首止

既會王世子又自為盟以固之

位王鄭伯逃歸不盟

惠王使宰周公召鄭伯曰吾撫汝而輔以晉楚可少安矣何必從齊鄭伯乃逃其師而歸不與盟

春秋條貫篇



六年夏公會齊侯宋公陳侯衛侯曹伯伐鄭圍新城

桓乃帥諸侯之師以伐之

位王 秋楚人圍許諸侯遂救許

楚人欲救鄭而以許與鄭讎乃為鄭伐許而圍之

桓乃舍鄭而救許經書諸侯即前諸國也

位王 冬公至自伐鄭

於是諸侯皆救許而退

位王 七年春齊人伐鄭

而鄭未終伐齊乃遣大夫帥師終伐之

位王 鄭殺其大夫申侯

前此齊桓伐楚時陳轅濤塗恐師還陳鄭問勸桓

循東海以歸而鄭申侯以為未便桓乃執轅濤塗

而賜申侯以鄭之虎牢鄭之惡申侯久矣至是謂

申侯楚族而仕于鄭者遂殺申侯以悅齊以為殺

楚人者即所以絕楚也

位王 秋七月公會齊侯宋公陳世子款鄭世子華盟于

甯母

于是桓與鄭平而鄭先使世子來盟以成之

位王 八年春王正月公會王人齊侯宋公衛侯許男曹

春秋條貫篇

十一

伯陳世子欵盟于洮鄭伯乞盟

無如惠王已崩襄王慮于帶之難不敢發喪而告
難于齊齊桓乃急爲此盟定新王之位而後發喪
蓋有鑒于子頹之難之定亂晚也惟時鄭亦以惠
王既死無所依恃故親來乞盟三傳于此皆失條
貫說見後二十四年狄伐鄭條

位王冬十有二月天王崩

王位既定然後發喪而赴告諸侯故惠王以前年
閏月崩而至是始書

位王九年夏公會宰周公齊侯宋子衛侯鄭伯許男曹

伯于葵丘

齊桓乃復會王人以固新王之位

位王九月戊辰諸侯盟于葵丘

王人先歸諸侯復自爲盟以終之孟子曰葵丘之
會諸侯束牲載書而不歃血蓋勤王之會加以私
盟又何容歃血爲也然而齊桓一匡之業則從此
可睹矣

齊滅莒五年楚人滅莒莒子奔黃

九月戊申朔日有食之

七年夏小邾子來朝



曹伯班卒

公子友如齊

策書闕

冬葬曹昭公

八年夏狄伐晉

狄嘗伐晉而晉報伐之故晉之伐狄伐戎非攘夷實報怨也後倣此

秋七月禘于太廟用致夫人

此以哀姜致莊廟也說見前

九年宋公御說卒

秋七月伯姬卒

此許嫁而未歸者

十年春王正月公如齊

策書闕

秋滅溫狄滅溫溫子奔衛

齊桓伐戎夏齊侯許男伐北戎

秋七月 冬大雨雪

十一年夏公及夫人姜氏會齊侯于陽穀

策書闕此必僖公夫人本齊桓之女故會之觀十

七年夫人姜氏會齊侯于卞可見

春秋條貫篇



秋八月大雩

冬楚人伐黃

十有二年春王三月庚午日有食之

楚滅黃夏楚人滅黃

秋七月 冬十有二月丁丑陳侯杵臼卒

十三年夏四月葬陳宣公

齊桓恤杞公會齊侯宋公陳侯衛侯鄭伯許男曹伯于鹹

二條一貫

為淮夷病杞也

杞十四年春諸侯城緣陵

將遷杞以避淮夷也

十三年秋九月大雩

冬公子友如齊

策書闕

鄆季十四年夏六月季姬及鄆子適于防使鄆子來

朝三條一貫

鄆季姬者僖公女也其歸鄆不知在于何年策書

未詳不可考矣至是季姬來歸寧而公以鄆子無

禮不來朝也因止季姬不令還將以絕婚而季姬

不忍特邀鄆子適于防使之來朝以解之經但書

春秋條貫篇

十四



季姬與鄆絕也遇者會禮也

鄆十五年三月季姬歸于鄆

夫然後使之歸鄆如始嫁焉

鄆十六年夏四月丙申鄆季姬卒

十四年秋八月沙鹿崩

狄侵鄭

策書闕

冬蔡侯肸卒

十有五年春王正月公如齊

策書闕

楚伐徐 楚人伐徐

徐徐我也楚無故來伐策書無考予向為傳時亦

但按策書而不窮經文遂略之矣今考經條貫則

前三年經書徐人取舒舒者楚與國也徐伐楚與

國而楚能不報之乎

徐三月公會齊侯宋公陳侯衛侯鄭伯許男曹伯盟

于牡丘遂次于匡

徐公孫敖帥師及諸侯之大夫救徐

但徐雖戎國而迫于齊魯之間楚得越境而伐其

國則切膚矣因合諸侯之師以救之



徐

秋七月齊師曹師伐厲

徐

不惟救之且伐厲以牽制之厲亦楚與國也

徐

九月公至自會

徐

楚人敗徐于婁林

徐

乃以救之緩楚人終敗徐師于徐地而去

十有七年春齊人徐人伐英氏

越二年而齊與徐人不能報楚仍伐楚與國以報

之則是楚一伐徐而以伐舒始以伐厲伐英氏終

秦穆伐晉

一舉而三與國皆受剝焉用兵之搆害如此

韓獲晉侯

晉事略于經而詳于傳其略于經者以夫子不予

晉也詳于傳者以左氏得晉策書以為之傳也據

傳則晉惠晉文前後繼立皆秦穆一人為之納入

而經但書晉世子之殺奚齊卓子之弑而于惠文

相繼之跡絕不一及故往往不得其始末然而大

概可睹焉按秦穆本晉獻之壻夫人穆姬者申生

姊也當奚卓被弑時秦穆本欲納重耳而夷吾以

賂秦得入乃又悔其賂而不肯與秦固已啣之久

矣至是晉饑則秦輸之粟秦饑則晉閉其糴秦穆

春秋條貫篇

十六



乃伐晉而戰于韓。獲晉惠歸。賴穆姬履薪。衰絰以請罪。乃質晉惠之子圉而釋惠。返晉。其後晉惠卒。既已立圉為懷公。而秦穆復納重耳。殺懷公于高梁之墟。總于此兆其端焉。事見二十四年。晉侯夷吾卒。條。十五年夏五月。日有食之。八月螽。九月己卯。晦。震夷伯之廟。冬。宋人伐曹。此伐不知其事。宋與曹每有構兵。不可解。十有六年春。王正月戊申。朔。隕石于宋五。

是月六鷁退飛過宋都

三月壬申。公子季友卒。

秋七月甲子。公孫茲卒。

魯滅項冬十有二月。公會齊侯。宋公。陳侯。衛侯。鄭伯。

許男。邢侯。曹伯于淮。

淮夷病郟。齊桓將城郟。而會諸侯以謀之。

十七年夏滅項。

公在會。未歸。而我師滅項。齊人以為討而止。公焉。

秋。夫人姜氏會齊侯于卞。

夫人韓姜。本桓女。以公故。會桓而乞。公歸。



CL.
NO. 35523

九月公至自會

乃歸

冬十有二月齊侯小白卒

十有二月

齊侯小白卒於乾

于乾

會齊侯米公刺於濰

甲午公蒞茲卒


壬申公季文卒

益

卷四

十七





国立国会図書館

タイトル『西河合集』 請求記号 082.6-M743s

ガラス使用